



საქართველო
ქალაქ ფოთის მუნიციპალიტეტის საკრებულოს თავმჯდომარის
ბრძანება



Nº 178

„21“ 11 2017 წელი, ქალაქი ფოთი

ქალაქ ფოთის მუნიციპალიტეტის საკრებულოს აპარატში შრომით ხელშეკრულებით დასაქმებულ პირის-მძღოლის ვაკანსიაზე გამარტივებული კონკურსის გამოცხადების შესახებ

“საჯარო სამსახურში კონკურსის ჩატარების წესის შესახებ” საქართველოს მთავრობის 2017 წლის 21 აპრილის №204 დადგენილებით დამტკიცებული წესის 26-ე მუხლის პირველი პუნქტის შესაბამისად, კანდიდატი საჯარო სამსახურში შრომითი ხელშეკრულების საფუძველზე მისაღებად შეირჩევა გამარტივებული კონკურსის საფუძველზე. ამავე, წესის 27-ე მუხლის პირველი პუნქტის შესაბამისად, გამარტივებული კონკურსის გამოცხადების შესახებ გადაწყვეტილებას იღებს საჯარო დაწესებულების ხელმძღვანელი ან საამისოდ უფლებამოსილი პირი.

ქალაქ ფოთის მუნიციპალიტეტის საკრებულოს აპარატში შრომით ხელშეკრულებით დასაქმებულ პირმა -მძღოლმა მერაბ სტურუამ 2017 წლის 21 ნოემბრის განცხადებით ითხოვა შრომითი ხელშეკრულების შეწყვეტა.

ამდენად, მიზანშეწონილია ქალაქ ფოთის მუნიციპალიტეტის საკრებულოს აპარატში შრომით ხელშეკრულებით დასაქმებულ პირის-მძღოლის ვაკანსიაზე გამოცხადდეს გამარტივებული კონკურსი, “საჯარო სამსახურში კონკურსის ჩატარების წესის შესახებ” საქართველოს მთავრობის 2017 წლის 21 აპრილის №204 დადგენილებით დამტკიცებული წესის შესაბამისად.

აღნიშნულიდან გამომდინარე ვ ბ რ ძ ა ნ ე ბ:

მუხლი 1.

1. ქალაქ ფოთის მუნიციპალიტეტის საკრებულოს აპარატში შრომით ხელშეკრულებით დასაქმებულ პირის-მძღოლის ვაკანსიაზე გამოცხადდეს გამარტივებული კონკურსი.
2. “საჯარო სამსახურში კონკურსის ჩატარების წესის შესახებ” საქართველოს მთავრობის 2017 წლის 21 აპრილის №204 დადგენილებით დამტკიცებული წესის 27-ე მუხლის მე-2 პუნქტის, მე-6 მუხლის პირველი და მე-2 პუნქტების შესაბამისად, გამარტივებული კონკურსი გამოცხადდეს საჯარო სამსახურის ბიუროს მიერ ადმინისტრირებული ვებგვერდის (www.hr.gov.ge) მეშვეობით. ამასთანავე, განცხადება განთავსდეს ქალაქ ფოთის მუნიციპალიტეტის საკრებულოს ვებგვერდზე- <http://poti-sakrebuli.ge/>.
3. გამარტივებული კონკურსის გამოცხადების შესახებ შეტყობინება უნდა შეიცავდეს შემდეგ მონაცემებს:
 - ა) შესაბამისი საჯარო დაწესებულების დასახელებას-ქალაქ ფოთის მუნიციპალიტეტის საკრებულოს აპარატი;
 - ბ) კანდიდატის მიმართ წაყენებულ მოთხოვნებს- კანდიდატს უნდა ქონდეს მძღოლად მუშაობის არანაკლებ 5 წლიანი გამოცდილება, სასურველია საჯარო სამსახურში მძღოლად მუშაობის გამოცდილება;
 - გ) შრომითი ხელშეკრულებით გათვალისწინებულ სამუშაო აღწერილობას-დასაქმებული ვალდებულია: სამუშაო შესარულოს პირადად; მასზე დაკისრებული მოვალეობა შესარულოს კეთილსინდისიერად და მოქმედი სამართლებრივი აქტების დაცვით, შესარულოს დამსაქმებლის უშუალო მითითებები, დაიცვას ის მოთხოვნები, რომლებიც მას და მის თანამდებობას შეეხება, სატრანსპორტო საშუალება ჰყავდეს გამართულ მდგომარეობაში, სატრანსპორტო საშუალების მართვისას არ უნდა მიაყენოს ზიანი სახელმწიფო, საზოგადოებრივ ან კერძო ქონებას, აკრძალული აქვს სატრანსპორტო საშუალების სამართავად გადაცემა იმ პირისათვის, რომელიც იმყოფება აღკოპოლური, ნარკოტიკული ან

ფსიქოტროპული სიმთვრალის მდგომარეობაში, აკრძალული აქვს სატრანსპორტო საშუალების სამართავად გადაცემა იმ პირისათვის, რომელსაც არ აქვს შესაბამისი კატეგორიის ან ქვეყანული სატრანსპორტო საშუალების მართვის უფლება ან ეს უფლება შეჩერებული, ჩამორთმეული ან შეწყვეტილი (გაუქმებული) აქვს საქართველოს კანონმდებლობით დადგენილი წესით, აკრძალული აქვს სატრანსპორტო საშუალების მართვა ალკოჰოლური, ნარკოტიკული ან ფსიქოტროპული სიმთვრალის მდგომარეობაში. აკრძალული აქვს სატრანსპორტო საშუალების მართვა საგზაო მოძრაობის წესების დარღვევით. დასაქმებული ვალდებული არის სამსახურეობრივი საჭიროებიდან გამომდინარე შესარულოს ზეგანაკვეთური სამუშაოები. შეასრულოს მძღოლის სხვა უფლება-მოვალეობა რაც არის გათვალისწინებული მოქმედი სამართლებრივი აქტებით;

დ) ინფორმაციას შრომის ანაზღაურების შესახებ-დამსაქმებელი დასაქმებულის უნაზღაურებს შესრულებული სამუშაოს ღირებულებას თვეში 1200 (ათას ორასი) ლარს, საშემოსავლო გადასახადის ჩათვლით;

ე) განაცხადებისა და სხვა აუცილებელი დოკუმენტების ჩამონათვალსა და წარდგენის ვადას-კანდიდატმა სისტემაში უნდა ატვირთოს საქართველოს მოქალაქის პირადობის მოწმობის ან საქართველოს მოქალაქის პასპორტის ქსეროასლი, ავტომობილის მართვის მოწმობის ქსეროასლი, მძღოლად მუშაობის არანაკლებ 5 წლიანი გამოცდილების დამადასტურებელი დოკუმენტის ქსეროასლი, განცხადების ვებგვერდზე განთავსებიდან 10 სამუშაო დღის ვადაში.

ვ) საჯარო დაწესებულების მისამართს-ქალაქ ფოთის მუნიციპალიტეტი, დავით აღმაშენებლის ქუჩა N12;

ზ) კონკურსის ეტაპებს- კონკურსის ეტაპებია:

- კანდიდატების მიერ წარდგენილი განაცხადების გადარჩევა;
- შერჩეულ კანდიდატებთან გასაუბრება.

4. „საჯარო სამსახურში კონკურსის ჩატარების წესის შესახებ“ საქართველოს მთავრობის 2017 წლის 21 აპრილის №204 დადგენილებით დამტკიცებული წესის 31-ე მუხლის პირველი პუნქტის შესაბამისად, გამარტივებულ კონკურსში მონაწილეობისათვის კანდიდატების მიერ წარდგენილი განაცხადების გადარჩევის ეტაპი განახორციელოს ქალაქ ფოთის მუნიციპალიტეტის საკრებულოს აპარატის საქმისწარმოების განყოფილებამ.
5. ქალაქ ფოთის აპარატის საქმისწარმოებისა და იურიდიულ განყოფილებებმა აღნიშნული ბრძანების შესრულებასთან დაკავშირებით გაატაროს შესაბამისი ღონისძიები.

მუხლი 2. „საჯარო სამსახურის შესახებ“ საქართველოს კანონის 119-ე მუხლის შესაბამისად, ბრძანება შეიძლება გასაჩივრდეს დაინტერესებული მხარის მიერ ფოთის საქალაქო სასამართლოში (მის. ქალაქ ფოთი, დავით აღმაშენებლის ქუჩა №3).

მუხლი 3. ბრძანება ძალაშია 2017 წლის 21 ნოემბრიდან.

საკრებულოს თავმჯდომარე



ირაკლი კაცულია

შემსრულებელი: იურიდიული განყოფილება, საქმისწარმოების განყოფილება